

Cracov. Acad. Univ. Tyell.
Promissus Philos. Acad.

1681. die 20 Octobris



3588

lat.komp.

III.

Mag. St. Dr.

P

Począ 2951.


Jacobi Tyn. Stanisl. Munera laureata ex aureis
credita gloriæ fructibus honorifice delicta V.
DD. IV primae laureae Candidatis — dedicata.

u.

Biblioteka Jagiellońska



stdr0003577



M

E

V

IN

D

PH

AR

IGN

Ar

284

M V N E R A
LAVREATA,

Ex Aureis eruditæ gloriæ fructibus,
honorificè delecta,

VV. DD. IV. Primæ Laureæ Candidatis,

Dum

IN ALMA VNIVERSITATE CRACOVIENSI

P E R

Excellentissimum, ac Doctissimum Dominum

D. M. BASILIVM

PLASCZEWSKI,

Philosophiæ Doctorem, & Professore,
Collegam Minorem,

In Nobilissima Magnorum Hospitum corona,

ARTIVM, ET PHIL: BACCALAVREI

Ritu solenni

RENVNTIARENTVR,

Amoris, & gratulationis ergo;

A B

IGNATIO STANISLAO IACOBI,

eiusdem Laureæ Candidato,

Applausu, & Concentu Apollinari.

DEDICATA.

Anno Salutis 1681. die 20. Mensis Octobris.


CRACOVIAE, TYPIS VNIVERSITATIS,

In Gentilitium Insigne
NOBILISSIMÆ DOMVS RYLSCIANÆ.



Bellator gladius, post tot victricia gesta,
Postq; triumphatum nobile Martis opus.
Non poterat melius, gemino quàm lumine condi,
Nam claros actus, lux quoq; clara decet.
Non tamen hic totus, quamvis post bella quiescit;
Inuictam rursus cogitat ille manum.
Illi si geminae famulantur cornua Lunæ,
Unica, quem nosti, Thracia Luna caue.

Stanislaus Iosephus Prochowski,
Stud: Poëseos.



gaude
pretios
Lunas
terret
se esse
amat.
victore
per m
magis
fulgen
rūm s
cōpit
hoc p
Audac
steris
gestar
Sangu
huius
felicit
tute, e
Regibu
uiensis
Rabstin

Illustri & Magnifico Domino,
D. MICHAELI
 DE R Y L S K O
R Y L S K I,
 PINCERNÆ ŁANCICIENSI,
 DOMINO ET PATRONO AMPLISSIMO.



*Pl*cherrimum in Orbe decus, virtute, & eruditione paratum; quod in Laureatis Muneribus Pallas nostra dispensat; sub aspectum lucis publica, ut tantò illustrius pròdeat, claritudinis Tuæ geminum, in fulgentissima Cynthia respicit fontem, Illustris & Magnifice Domine. Nouit quippè mens omnis erudita, Phæbi, & Cynthiae germana lumina esse: illudq; maximum in Sapientia haberi; quodd licet ipsa origine cœlestis, & interno splendore limpidissima sit; gaudeat tamen Illustrium Nominum claritudine insigniri; ut tota ipsa aurea, his ceu pretiosis, tantò pulchrius resplendeat gemmis. Nec vero euaginatius hic, inter geminas Lunas Mucro Tuus, arcet communicationem splendoris Tui, Palladisq; nostra fiduciam terret; quæ non ita exarmanit mentem, quamuis pacis Studia colat; ut Bellonam quoq; se esse non cogitet; & cùm Heroicos animos laureis coronet, etiam Gladij istius victorias amat. Ita profectò est, neruo sacras Ioui Capitolino laureas vouit; Nemo ad Aram eius victorem gladium suspendit; quin vel Punico, vel Macedonum sanguine prius madens per mille ictus, & vulnera iuerit, cui tantò gloria maior, in hostium ceruicibus, quantò magis acies obtusa. Ad hanc aciem, inter geminas Cynthias Tuas, post Opus immortale fulgentem; quæsitæ erudito certamine, Laureata Munera nostra veniunt; conscia nimirum splendidissimi in Regno Sanguinis Tui; cuius origo, ut ab inuicta fortitudine bellica cœpit; ita nunquam sine victricibus laureis, in facie Orbis Poloni triumphauit: Meruit hoc primus ille Heros Ostioia, cui hac arma in premium virtutis celsere; ut à Boleslao Audace Rege fortissimo insignitus; nunquam deinceps, sine coronamentis gloria, in posteris viueret: deductaq; per tot sæcula Prosapia venerabile Senium, non annis, sed rerum gestarum pulcherrimâ serie computaret. Ab hoc fonte, splendidissimus RYLSIORVM Sanguis, tot nomina præmisit, & intulit æternitati; quorum Panegyres, non sunt pagellæ huius negotium; sed meditatam exquisitè magnarum mentium opus: Nouerit cui sui felicitas, FELICEM RYLSKI, Ecclesiæ Vladislauensis Prælatum, summâ virtute, & eruditione illustrem. Ambient immortales coronæ, dilecta quondam Magnis Regibus Capita in FRANCISCO RYLSKI, Magno Procuratore Arcis Cracouiensis; in IOANNE D. SIGISMVNDI III. in SAMVELE Capitaneo Rabslinensi, & MARCIANO D. VLADISLAI IV. Aulicis Cubicularijs;

*Varis ut augustâ Principum gratiâ, ita & fastorum perennium memoriâ dignis. Lo-
quatur Themis Polona, PETRVM RYLSKI Notarium Rauensem, ALBER-
TVM Tribunum Zitomiriensem, & in STANISLAO RYLSKI præcellen-
tem togâ, sagoq; gloriâ, cum omni auro communicet. Claritudo omnis, & dignitas
Sanguinis Tui, satis in Te effulget; quem tanta gloria supersitem, ætas nostra sibi gra-
tulatur; tot simul nomina vno pectore, compendio virtutum omnium conclusisse. Pro-
batissima Magni Animi Tui decora fuere; Serenissimis Polonia Regibus IOANNI
CASIMIRO, & MICHAELI, coram quorum Regali Solio illibata fidei, magna
prudentia, & dexteritatis laude enituiisti: Heroicâ virtute Tuâ non contentus, Regum
gratias mereri, nisi cruento quoq; Martis negotio, Patriæ amorem meruisses. Secutus es
bellicosum gentis nostræ genium, & iuisti contra hostes Patriæ, cum alibi; tum præcipue
in memorabili illo ad Chocimum conflictu, in quo cohorti Militum Præfectus, manu, &
animo inuictus, ut validissima illa castra Othomanica, cum vniuerso Turcarum Exercitu,
funditus delerentur, ausu planè maximo, unâ cum alijs generosissimis Polonia Heroibus
effecisti. Auget quoq; inclytum hoc bellica gloriæ decus magna Tui apud omnes, & in
facie Reipublicæ æstimatio; cum pro Legum integritate, pro communi salute, pro vero
& legitimo statu libertatis; in Conuentibus publicis, in Iudicijs & Commissionibus, &
ubi amor Patriæ postulat, strenuè agis, & ex tripode verè oracula loqueris. Authori-
tate proinde, & amore, Nomen Tibi amplissimum, & digna Sanguine Tuo gloria crescit;
quam ego quoq; dum submissem veneror, in authoramentum Magni Patrocinij, & experti
fauoris, Laureata hæc Munera Immortalitati Tuæ consigno. Coronabit illa tantò am-
plius, præcelso Nominis Tui dignitas, & amplitudo, reddetq; fructus verè aureos, summa
humanitas, & gratia, ab aureo pectore Tuo profecta; in qua Palladis hæc ornamenta cum
depono, vota pro Te DEO Immortali nuncupo; ut longæuo annorum Tuorum circuitu,
Gentilitij splendoris Tui, unâ Tecum, in maxima honorum, & felicitatis auge coruscent.*

ILLVSTRIS ET MAGNIFICÆ DOMINATIONIS TVÆ

Cliens deditissimus

Ignatius Stanislaus Iacobi,
Primæ Laureæ Candidatus.



D. IOANNI CANTIO, CONFESSORI,

Regni Poloniæ, & Academiae Patrono,

IN ARGUMENTVM DEVOTISSIMI CVLTVS.

*Oliua speciosa, in campis Poloniæ, nouò translata
Festiuitalis eius honore transplantata.*

Cum Epigraphe,

Vt assurgat ad summum.

ORbe Lechæo gelidam per Arcton,
Quando solennes veniunt triumphi
Diue CONFESSOR, Tibi destinatae.

Lucis honore;

Dùm vias passim viridante lauru,
Templa millenis decorata gazis,
In Tuos cultus renouat Mineruæ

Cura togatae.

Cordium toto resonante plausu,
Nos decet ritus celebrare sacros;
Roma quos nuper Tibi Vaticano

Culmine sanxit.

Imus en toti rapimurq; iustis
Gaudijs; in Te dat amica Pallas
Dona, quæ supplex pietas beatiss.

Ponit in Aris.

Munus à nobis oleæ virentis,
In Tui prodit faciem triumphi;

Has Tibi frondes damus, eruditæ
Pacis amicas,
Nempè Tu campis Patrijs oliua,
Factus es nuper speciosa; quando
Dextra Te Magni Patris INNOCENTI,
Transtulit auge.
Hoc decus nostrum, celebrisq; Festi
Omen hoc felix; quod ab auspicata
Hâc die, Lechis oleæ virentis
Pax bona surget.
Tuq; plantatus nouiter, feraces
Gratiæ fructus dabis, vnctione
Spiritus plenos, noua charitatis
Viscera pandens.
Sic Tuis frondes oleæ triumphis
Supplici cultu, tenerasq; laurus
Diue sacramus, simul & canori
Barbita plectri.
Tu nouos Regno, Craciæq; Matri
Redde successus, oleamq; pacis
Bistonum fusâ rabie, Polono
Iunge trophæo.

CLARISSIMIS ET EXCELLENTISSIMIS
DOMINIS
EXAMINATORIBVS,

Clarissimo & Excellentissimo Domino,

D. M. R A P H A E L I
A R T E N S K I,

Philosophiæ Doctori, Collegæ Minori, Ordinario
Eloquentiæ Professori,

ac interea

PHILOSOPHICÆ FACVLTATIS DECANO;

Clariss

Clarissimo & Admodum Reuerendo Domino,

D.M. BASILIO OLSZYNSKI,

Philosophiæ Doctori, Collegæ Maiori, Regio Pro-
fessori, Canonico S. Annæ;

Clarissimo & Admodum Reuerendo Domino,

D. M. S E B A S T I A N O

T A R A L I C Z,

Philosophiæ Doctori, Collegæ Minori, Præposito
S. Adalberti;

In Symbolum debita venerationis & gratitudinis,

Palmae ex Indijs feracissimæ, innumeris pro-
pè humanis vsibus accommodatæ, fructus
verè aureus;

cum Lemmate:

Sapientia bono publico nata.

Dotes beatas, raraq; munera,
Palma virentis, germinat India,
Eous Orbis ad stuporem

Ingenij, calamiq; docti.

Nam mille in vsus, arbor ut exeat

Natura fecit. Seu Pelago ratem

Aptare manis, perq; Ponti

Æolios volitare tractus;

Terrena seu te ferre negotia

Campi requirunt, siue domestica

Necessitati consulendum;

Omnibus una satis, superq;

Hæc palma seruit. ceu super aureo

Curru refulgens Phæbus in æthere;

Vnus, sed ad res vniuersas,

Innumero famulatur vsu.

Pari togata vis Sapientia,

Bono triumphat. Scilicet omnibus

*Hac nata communi theatro,
Publica vult bona, non seipsam.
Hinc mille palmas, milleq; Delphicas
Laurus meretur. quas ferimus Tibi
Praeses Sophorum Purpurate;
Quem decorat Peripatus, & quem
Cætus Stagyræ maximus æstimat,
Stoæ palæstram cum Tibi Cracia
Commisit ARTENSKI, chelymq;
Musa Tibi, sapidumq; nectar.
Cum Suada cultu flexanimo dedit,
Nam penna felix Te sibi vendicat;
Itura cum scriptis in Orbem,
Quam solidus labor, & modesta
Virtus coronat. Te quoq; porticus
Docta loquentur, rostraq; publica,
Præcellis, OLSZYNSKI diserto
In quibus ore Tuo, sacrosq;
Plausus mereris. Tu niueo places
Candore mentis; dexteritas Tibi
Claretq; cum virtute iuncta,
Ingenij Cynosura docti.
Ad æterna lumina gloria,
Palmas TARALICZ Te quoq; nobiles
Prensare fas est, iam sacratâ
Quando manu Tibi ferre, pignus
Cæleste fas est; quod cathedras Tuo
Iam sanctiores eloquio parat;
Vatemq; Phœbi nunc honorat,
Diva fides, pietasq; Mystem.
O ergo tantis nominibus Viri!
Hac Gratiarum Munera sumite,
In pignus æternum, quod altus
Vester honos, sapiensq; virtus.
Craci supremis poscit in exedris,
Vos monstret Orbi gloria Lechico;
Ut semper in sublime tendit,
Palma onerum generosa victrix.*

M V N E R A L A V R E A T A.

I. V.D. CASIMIRO OLSZOWSKI.

Fructus ex laureto Cæsaris Augusti, ex quo solis non-
nisi Imperatoribus Romanis, triumphales concessæ coronæ.

Cum Epigraphe:

Pulchrius effloresces.

Imperij Latium Sedes, Orbisq; Supremum
Roma Caput, quoties armis vincente Gradiuo,
Iure triumphales concedi iussit honores.
Tempora non licuit lauru cinxisse virenti,
Victorum nisi sola caput cinxisset in Vrbe.
Cæsaris Augusti laurus, quæ sola coronis
Omnibus vt potior, sic nonnisi fascibus illam,
Et trabæis gestare datum. pulcherrima sed te
Fructibus his ornat, sapientis gloria cœtus
O L S Z O W S K I, dotesq; tuas hac fronde coronat.
Nam licet, è pulchro venias lectissimus Ortu,
Ingenio quamvis, felici mens tua præstet,
Tot simul ornamenta ferens, tot symbola culti
Pectoris, & Suadæ cultissima dona disertæ;
Laurus amica tamen Studijs, dilectaq; Phœbo,
Egregiè coeptum, cuius felicitibus in Te.
Pulchrius exornabit Opus, cum sedulus iste,
Compositusq; animus, quem mens tua candida præfert,
Palladis hac lauru sic efflorescet, vt olim
Sublimes virtute Tuâ merearis honores.

II. V.D. BARTHOLOMÆO AVGV-
STINO DVTKIEWICZ, Miechouien.

Fructus ex Lauru Delphica, celeberrimis apud anti-
quos Phœbi responsis, maximè commendata.

Cum Lemmate:

Tu Iuris responsa dabis.

Prisca Argolica secula gloria,
Quando floruerant, Delphica maximis
Terras Cecropidum laurus honoribus
Commendat sacra Apollini.

Huc cætus sapiens orbe Pelasgico,
Huc inuit populus Helas in omnibus;

C.

Dum

*Dùm responsa petit, dùm tripodis sacrum,
 Numen consulit aurei,
 At nunc Diua Themis, Iuris ab exedra
 Respondet populis, Iustinianei
 Arcanum Studij, sceptraq; Principum,
 Orbisq; Imperium regit.
 Illam peruigili mente Tibi placet
 DUTKIEWICZ, potius quam tripodem sequi
 Phœbeum, ut sapiens consilij penne
 Communi referas bono.
 Hæc est ingenij tessera nobilis,
 Suada flexanima iungere Gratias
 Diuina Themidi, quæ Tibi gloriam
 Et nomen dabit inclytum.*

III. V.D. ANDREÆ IGNATIO
 LADOWSKI, Wyssogrodien.

Fructus ex Amaltheæ cornu, Diuorum immortalis
 gloriæ facer.

Cum Epigraphe:

Vbertas doctrinæ maior.

Quidquid habet virtus, & doctæ gloria Stoz,
 Felix ingenium, quidquid honoris habet;
 Numinis hoc donum, cœlo descendit ab alto;
 Vnde est totius fons & origo boni.
 Diues Amaltheæ cornu, si fructibus implet,
 Copia; de cœlo tota fauente venit.
 Hæc rursum ad Superos vbertas tota refertur.
 Namq; boni gratæ sic meruere vices.
 Inde Tibi ferimus, cum munera docta LADOWSKI,
 Cœlitus hæc in Te dona venire puta;
 Sic animo præstans, sic & virtute decorus
 Doctrinæ capies Munera plura polo.
 Pulcher Amaltheæ fructus; sed pulchrior ille
 Quem fecunda Viri mens sapientis habet.
 Vbertate sua gaudet Pomona, sed o quam
 Tu Studij fructus vberioris amas!
 Quando Sophum cathedras, & priscas diligis artes;
 Quando Tibi Suadæ culta fluentia placent.
 Crede mihi, nihil est animo felicius illo,
 Qui verè solidâ cum probitate sapit.

IV. V.D. FRANCISCO IOANNI
 LEBKOWICZ, Sandecen.

Fructus ex Punicis arboribus, aureum Solis co-
 lorem referens.

Cum

Cum Lemmate:

Ad lucis faciem te conforma.

Æ *Stuant Solis radio calenti
Hic ubi partes Libya, sub axe
Torrido; cælos ubi fert stupendis
Viribus Atlas.*

*Aureis hic se pretiosa malis
Prodit ubertas; radiosq; Solis,
Et iubar fulgens imitata, clavis
Ignibus ardet.*

*Mentis hoc fulgur Tibi claret intus
Sole, LEBKOWICZ, radiante, quo Te?
Suada dignatur riguo diserti
Ore metalli.*

*Aureos fructus, & amica Phœbo
Dona cum prenas; nitor eruditus
Fulgurat tecum, per aprica doctæ
Culmina Stoa.*

*Sic tuas dotes, geniumq; forma,
Ut ferat lucis faciem togata;
Hæc coronato dabit altiores
Lux tibi sedes.*

V. D. IGNATIO STANISLAO
IACOBI,
PRIMÆ LAVREÆ CANDIDATO,
AVTHORI OPERIS.

Laurum Apollinarem, aureis Hesperidum fructibus
coronatam.

Cum Epigraphe:

Decent pulcherrima Vatem.

V. D. CASIMIRVS OLSZOWSKI, eiusdem Laureæ Candidatus,

In argumentum mutui affectus, & gratulatorij applausus,

OCCINIT.

D *Vm laureatæ Munera Palladis
In nos refundis, non decet aureo.
Carere Te dono IACOBI,
Hesperijs quod amica terris*

*Pomona fructu germinat arboris;
Custodit Orbi quam Draco, pervigil;
Sed cedit inuicto labori,
Herculeo celebratus ausu.*

*Ex hac corymbos necimus aureos,
Laurumq; sacram deferimus Tibi;
Tui coronamusq; plectri,
Dulce melos cytharam canentem.*

Dilecta Musis nam Tibi Gratia,
 Cumq; elegantis dotibus ingenî,
 Laus omnis erudita seruit,
 Indolis egregiæq; cultus,
 Vatem Pœsis diligit inclytum,
 Cyrrhæq; fontes Castalius latex,
 Te propter, & Pindi fluenta
 Dulcifluo referauit amne.
 Virum Mathesis postulat, & sibi
 Desponsat in Te pectus amabile,
 Dabitq; terrarum, & polorum,
 Sidereos numerare tractus.
 Sic æiternæ Munera gloriæ,
 Feres, trecentis non sine plausibus;
 Vates coronatus, Sophusq;
 Astrigeram referens Mathesim.



Sub Felicissimis auspicijs

Magnifici, Perillustri, & Admodum Reuerendi Domini,

**D. M. SIMONIS STANISLAI
MAKOWSKI.**

S. Theol: Doctoris & Professoris, Collegæ Maioris,
 Ecclesiæ Collegiatæ S. Floriani Custodis, Curatî Nasiechouicensis,
 Contubernij Hierosolymitani Prouisoris, S. R. M. Secretarij,
 Almæ Vniuersitatis Cracouiensis Generalis &
 Vigilantissimi

R E C T O R I S.

J. xix. 1811

ni,

A I

ioris,
icensis,
tarij.

